

Sarajevo 21.04.2017.
Aner Žuljević, delegat

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

Primijeno:	21-04-2017		
Org. jed.	Broj	Priloga	Vrijednost
02 - 02 -		1494196	10

n/r gospođe Lidija Bradara, predsjedavajuća

Na osnovu članova 177 i 178 Poslovnika o radu Doma naroda Parlamenta FBiH, podnosim;

AMANDMANE

Na Prijedlog izmjena i dopuna Zakona o igrama na sreću

AMANDMAN 1

Član 7 mijenja se i glasi:

U članu 18. stav 1. tačka 2) mijenja se i glasi:

„2) oglašavanje i reklamiranje svih privredivača koji priređuju igre na sreću, uključujući pružanje usluga pristupa on-line sajtovima domaćih i inostranih priređivača koji priređuju igre na sreću putem SMS-a i interneta“

Iza tačke 2) dodaje se nova tačka 3) koja glasi:

„3) omogućavanje i vršenje novčanih transakcija (uplata i isplata) sa bankovnih računa fizičkih i pravnih lica otvorenih u Federaciji, na račune domaćih i inostranih priređivača koji ne posjeduju odobrenje Ministarstva za priređivanje internet i SMS igara na sreću.“

Dosadašnje tač. 3) do 8) postaju tač. 4) do 9).

U stavu 2. u prvom redu, brojevi 5. i 6. zamjenjuju se brojevima 6. i 7.

Iza stava 2. dodaje se novi stav 3. i glasi:

„U cilju sprečavanja poduzimanja zabranjenih aktivnosti iz tač. 2. i 3. ovog člana:

a) Nadležni organi u Bosni i Hercegovini su dužni poduzimati sve tehničke i druge mjere kojim se onemogućava pristup internet sajtovima i portalima na kojima se oglašavaju, reklamiraju ili priređuju SMS i internet igre na sreću bez odobrenja Ministarstva.

b) Sve banke i pravne osobe koje su sukladno zakonu i drugim propisima ovlaštene za vršenje platnog prometa su dužne zabraniti vršenje svih novčanih transakcija sa bankovnih računa fizičkih i pravnih osoba otvorenih u Federaciji na račune domaćih i inostranih pravnih osoba koje bez odobrenja Ministarstva priređuju SMS i internet igre na sreću.

OBRAZLOŽENJE

Neophodno je izvršiti zabranu svih oblika reklamiranja igara na sreću, uzimajući u obzir specifičnost same djelatnosti. Također, neophodno je definisati vrlo jasnu ulogu nadležnih tijela u kontinuitetu funkcija nadzora, a ne po pozivu kako je to bilo planirano.

AMANDMAN 2

Dodaje se novi član 28a koji glasi:

"Ko s ciljem da sebi ili drugome pribavi imovinsku korist bez odobrenja nadležnog tijela javno priredi, obavi ili promoviše igru na sreću, kaznit će se kaznom zatvora do tri godine."

OBRAZLOŽENJE:

U cilju što efikasnijeg obračuna sa nelegalnim privredivačima izuzetno je važno definisati odredbu koja navedenu aktivnost sankcioniše na odgovarajući način.

AMANDMAN 3

U članu 1. prijedloga dodaje se član 1b:

Član 1b

U članu 5. Stav 2 mijenja se i glasi:

Licima mlađim od 18 godina je zabranjeno učestvovanje u svim igrama na sreću.

U članu 5. osnovnog zakona dodaje se stav 3 koji glasi:

Svaki učesnik igara na sreću mora biti registrovan jedinstvenim identifikacionim brojem (JMBG, broj LK, broj pasoša, jedinstveni broj osiguranja) kod priređivača igara na sreću. Priređivač je dužan naznačiti jedinstveni broj registracije igrača na sve forme evidencije koje se vode u okviru organizovanja igara na sreću.

OBRAZLOŽENJE:

Cilj je prije svega zabraniti maloljetnicima učestvovanje u bilo kojoj igri na sreću što do sada nije bio slučaj. Također, neophodno je u cilju socijalnog nadzora definisati obavezu registracije svih igrača, čime bi se omogućila efikasna kontrola i prevencija društveno štetnih implikacija samih igara na sreću, te definisao sistem zakonskog praćenja svih pojedinačnih transakcija (uplate/isplate). Između ostalog kreirao bi se mehanizam koji bi značajno poboljšao sistem u cilju sprečavanja maloljetničkog klađenja.

AMANDMAN 4

Član 18. mijenja se i glasi:

Član 92. mijenja se i glasi:

Osim naknada iz člana 91. ovog zakona, priređivači iz člana 76. ovog zakona imaju obavezu plaćanja:

- (1) iznosa od 17% na osnovicu koju čini pozitivna razlika između primljenih uplata i izvršenih isplata dobitaka u jednom kalendarskom mjesecu za priređivanje klađenja iz člana 75. ovog zakona;
- (2) iznosa od 17% na osnovicu koju čini pozitivna razlika između primljenih uplata i izvršenih isplata dobitaka u jednom kalendarskom mjesecu za priređivanje klađenja koji koristi sistem RNG iz člana 78. stava 1. ovog zakona;
- (3) iznosa od 17% na osnovicu koju čini pozitivna razlika između primljenih uplata i izvršenih isplata dobitaka u jednom kalendarskom mjesecu za priređivanje igara putem terminala, putem SMS-a iz člana 86. stav 1. i putem interneta iz člana 109. ovog zakona;

Naknadu iz prethodnih stavova priređivači su dužni uplatiti najkasnije do 10-tog u mjesecu za prethodni mjesec u korist budžeta Federacije BiH u iznosu od 50% i u korist budžeta opština/gradova u iznosu od 50%.

OBRAZLOŽENJE:

Predloženo rješenje plaćanja naknada iz člana 92. ima za cilj da teret plaćanja obaveza prebaci isključivo na priređivače bez obzira da li su oni privatni ili državni po strukturi kapitala.

Na ovakav način bi se definisao jedinstven porezni pristup za sve igre koji je zasnovan na stopi PDV-a. Smatram da bi navedeni pristup reducirao širenje uplatnih mjesta na tržištu igara na sreću F BiH, značajno uticalo na smanjenje domaćeg crnog tržišta, depopularizaciji stranih internet kladionica, te povećao prihod države.

Također, izuzetno je važno da navedeni amandman definiše ravnomjernu raspodjelu prihoda između opština, gradova i Federacije u omjeru 50/50.

AMANDMAN 5.

Član 21 prijedloga mijenja se i glasi:

U članu 107. stav 2. mijenja se i glasi:

"Svi priređivači igara na sreću na automatima su dužni plaćati mjesečnu naknadu u iznosu od 17 % od osnovice iz stava 3. ovog člana i to u korist budžeta Federacije i budžeta općina /gradova u iznosu od po 50 %. Osnovicu za obračun mjesečne naknade čini zbir dnevnih obračuna svih automata".

OBRAZLOŽENJE:

Na ovakav način bi se definisao jedinstven porezni pristup za sve igre koji je zasnovan na stopi PDV-a. Smatram da bi navedeni pristup reducirao širenje uplatnih mjesta na tržištu igara na sreću F BiH, značajno uticalo na smanjenje domaćeg crnog tržišta, depopularizaciji stranih internet kladionica, te povećao prihod države.

Također, izuzetno je važno da navedeni amandman definiše ravnomjernu raspodjelu prihoda između opština, gradova i Federacije u omjeru 50/50.

AMANDMAN 6.

U Članu 1. prijedloga dodaje se Član 1a:

Član 1a

Član 8. Zakona o igrama na sreću mijenja se i glasi:

Priređivanje igara na sreću je isključivo pravo Federacije.

Pravo priređivanja igara na sreću iz člana 4. ovog zakona imaju sve pravne osobe koje su registrovane za priređivanje igara na sreću na teritoriji Federacije, pod uslovima predviđenim ovim zakonom i na osnovu odobrenja Ministarstva.

OBRAZLOŽENJE:

Izmjenom ovog člana garantujemo poštivanje Ustava Federacije BiH u odredbama koje svima garantuje jednakost pred zakonom.

Aner Žuljević, delegat

